

## **Mattup ere k'aduwe Zan yi riije**

*Enj urzi k'ono don kun t'oone adda mattup ettiyo*

Ette «Mattup ere k'aduwe Zan yi riije». Yi riije a wedusu yi ziipe addi a Isa sundi Gayus.

Zan yi d'igibe duwo an d'ette ki siidiyagi ongon, an di kizitey ono Raa a don i ziipe addan a Isa. Wo de kane duwo gen an iiney adda geeger ere Gayus yi lekkiyo man, i d'ede wedusu sundi Diyotirep yon ti diine don dokkiyo ki don ogiyso ti suma k'Isa, y'a-tuuge y'anni seeda di yode me. Don ongon i ziipe addan a Isa ki geeger gette, duwo gen an ti'n ziiida di kane. Inkinon ton kane don i ziiida torgagi a boydizan gen, Diyotirep y'an udfde ti diine ki don ogiyso ti suma k'Isa me. Kono kamo Zan yi di riije mattup a Gayus yon ti diine don i ziiida torgagi, kono y'a seeda zakidi a naabo ere y'isiyo, wo don ettiyo kazita k'ono Raa ton y'anni seeda bey sire.

### *Toose ki Zan*

<sup>1</sup> Mattup ette i raaniya nun wede dokkiyo, a leema wede ki geyyiso Gayus\*, wede ni giyye t'addo pay. <sup>2</sup> Leema ki nun kee wede ki geyyiso, ni dehu tudda t'a koone bee, naabadá pay t'aase

---

\* **1:1** 1.1 Gayus: Kun wollo adda mattup ki Naabo don zina 19.29; Romenj 16.23 wo 1 Korent 1.14.

ki diine kono nun ni suune biza k'ulbá geŋ yon daayum a Raa.

<sup>3</sup> Nun ulbó unse baadan kono zemba don i ziipe addan a Isa an iido t'ummey geŋ an oo ruute, kee ki sooru a urzi wede derec, wo derec kee k'isiyo munda wede ki diine. <sup>4</sup> Aame nun n'ollige innizó an sooru a urzi wede derec man, ulbó i d'ooniyo t'unసుwo baadan.

### *Kooke a leema*

<sup>5</sup> Leema ki nun kee wede ki geyyiso, ki seedu zakidi a urzi seedu zemba, ise torgagi ton man.

<sup>6</sup> Kane don geŋ an'tiyo kenno man, an di rootiyo sundá a urzi geyyisadá a daana kane don ogiyo ti suma k'Isa a enno, a beehiyko ere k'an isiyo gette. Inkinno man n'a di rooto, don inkinno geŋ k'anni noogo aa Raa yi dehu, an seeda urzi torguwadan <sup>7</sup> kono kane an adfiya ti boydizan min ki naabo a suma k'Isa Almasi. An ki tondiyo munda ye ti bey don i ki suune Raa soo danjal ye me. <sup>8</sup> Inkinno man kine ton in di'n nooge don inkinno geŋ me, kono kine in t'ise don naabadin kan soo a urzi wede derec.

<sup>9</sup> Adda mattup ette n'an riine ono boolon a zemba don ogiyo ti suma k'Isa†. Wo de Diyotirep wede yi dehu y'a t'ise ki daana do geŋ yi k'ollige ye onamey me. <sup>10</sup> Inkinno man nun onniyo ere n'iida man, munda wede ulsu geŋ n'a ti y' rootey a daana duwo. Ono don ulpi y'orbe, lohito k'ono a eedó genno ton i k'iide ye,

---

† **1:9** 1.9 Zemba don ogiyo ti suma k'Isa: I-kaza don ogiyo ti suma k'Isa a ume soo wede Gayus yi d'ettiyo, wo son Diyotirep yon wede teesiyo k'eego duwo.

zamba don ettiyo ti dokki yi ki'n seedu ye, wo don ede i ni seeda ton yi ki dehu ye kane don i dehu seedu torgagi gen yi-ti'n lomme ti diine kane don ogiyso ti suma k'Isa me. <sup>11</sup> Leema ki nuɗ kee wede ki geyyiso, ki daane ye ita don k'isiyo k'oldiko me, wo kee ki wollo munda wede beehiye, kono wede isiyo beehiye gen yon ki Raa, wo wede y'isiyo ulsu gen yi ki suune Raa ye. <sup>12</sup> Wo yo Demetirus gen don pay an rootiyo taayadi beehiye. Sooruzi ere derec gettiyo ton ti rootiyo ti yode. Kaye ton ay rootiyo wo kun suune onamey gen derec.

### *Ono don ki dangu*

<sup>13</sup> Ono don ni dehu n'a di roote baadan min ni ki raane ye. <sup>14</sup> Wo n'elkiyo san man n'etta n'a ki ti wollo, in di rootey bize ti bize. <sup>15</sup> In kino man toose ti koono ti kee, lanziyaga an a-t'ize toose, wo kee ton a lanziyagey k'an t'iso toose soo soo pay.

**Mattup ki Taasuwa ere Aware  
Mukulu: Mattup ki Taasuwa ere Aware (New  
Testament)**

copyright © 2019 Wycliffe Bible Translators, Inc.

Language: (Mukulu)

Contributor: Wycliffe Bible Translators, Inc.

All rights reserved.

2020-11-19

---

PDF generated using Haiola and XeLaTeX on 21 Feb 2024 from source  
files dated 29 Jan 2022

523c1c0a-f8ac-5d2f-aebe-7063b0de6b23